

**«ЎЗБЕКИНВЕСТ» ЭСКПОРТ-ИМПОРТ СУҒУРТА КОМПАНИЯСИ»  
АКЦИЯДОРЛИК ЖАМИЯТИ**


**«ЎЗБЕКИНВЕСТ» ЭИСК» АЖНИНГ  
КОРРУПЦИЯГА ҚАРШИ КУРАШИШ СИЁСАТИ**

2022 йил «\_\_» апрель

Код: RD-153

Тошкент ш.



 <b>O'ZBEKINVEST</b> SUGURTA KOMPANIYASI	<b>«Ўбекивест» ЭИСК» АЖнинг коррупцияга қарши курашиш сиёсати</b>	<b>RD-153</b>
		20 дан 4 бет 04.04.2022 й.
<b>GK 40</b>		

«Ўбекивест» ЭИСК» АЖ  
 Бош директори  
  
 Р. Азимова  
 2022 йил «04» апрел



## «ЎБЕКИНВЕСТ» ЭИСК» АЖНИНГ КОРРУПЦИЯГА ҚАРШИ КУРАШИШ СИЁСАТИ

### 1-БЎЛИМ. УМУМИЙ ҚОИДАЛАР


1.1 «Ўбекивест» ЭИСК» АЖнинг коррупцияга қарши курашиш сиёсати (бундан буён матнда Сиёсат деб юритилади) ходимлар орасида ҳамда жамиятда коррупцияга қарши курашиш маданияти даражасини ошириш мақсадида, Жамият ва унинг тизимидаги ташкилотларининг юқори ахлоқий меъёрларга содиқлигини, шунингдек, Жамият ва унинг тизимидаги ташкилотларининг ходимлари фаолиятида коррупциявий ҳуқуқбузарликларга мурасасизлик ва уларни содир этишга йўл қўймасликни акс эттиради.

1.2 Сиёсат O'z DSt ISO 37001:2019 (ISO 37001:2016 IDT) “Пора олишбериш билан курашиш менежменти тизимлари. Фойдаланиш бўйича талаблар ва қўлланма” давлат стандарти талабларини инобатга олган ҳолда коррупцияга қарши курашиш бўйича халқаро ташкилотлар тавсиялари ва етакчи халқаро амалиёт асосида Ўзбекистон Республикасининг қонун ҳужжатлари талабларига мувофиқ ишлаб чиқилган.

1.3 «Ўбекивест» ЭИСК» АЖнинг (кейинги ўринларда – “Жамият” деб юритилади) тизимидаги ташкилотлар ушбу сиёсатни фаолиятининг аҳамиятини ҳисобга олган ҳолда қабул қилишлари, коррупцияга қарши курашиш механизмларини, мавжуд бўлган коррупция хавфи, тажрибаси ва мавжуд манбалари асосида ишлаб чиқишлари ва амалга оширишлари лозим.

1.4 Жамиятнинг марказий аппарати ва унинг тизимидаги ташкилотлар (кейинги ўринларда – “Жамият ва унинг тизимидаги ташкилотлар”) коррупцияга қарши курашишнинг асосий мақсадлари қуйидагилар ҳисобланади:

- Жамият ва унинг тизимидаги ташкилотларда коррупцияни тубдан йўқотишга эришиш;
- аҳолининг ҳуқуқий онги ва ҳуқуқий маданиятини ошириш, жамиятда коррупцияга нисбатан тоқатсиз муносабатни шакллантириш; Жамият ва унинг

 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 5 бет 04.04.2022 й.

тизимдаги ташкилотлар фаолиятининг барча соҳаларида коррупцияни олдини олиш бўйича чора-тадбирларни амалга ошириш;

- коррупциявий ҳуқуқбузарликларни ўз вақтида аниқлаш, уларга барҳам бериш, уларнинг оқибатлари, уларга олиб келувчи сабаблар ва шартшароитларни бартараф этиш, коррупциявий ҳуқуқбузарликларни содир этганлик учун жавобгарликнинг муқаррарлиги тамойилини таъминлаш.

1.5 Сиёсат Жамиятнинг ички ҳужжати сифатида юқорида кўрсатилган асосий мақсадларга эришиш учун Жамият ва унинг тизимидаги ташкилотлар фаолиятида коррупция билан боғлиқ ҳуқуқбузарликларни профилактика қилиш ва уларга барҳам беришга қаратилган асосий талаблар ва тамойилларни белгилаб берувчи асос ҳисобланади.

1.6 Мазкур Сиёсатнинг талаблари эгаллаб турган лавозими ва бажарадиган вазифа ва функцияларидан қатъи назар Жамият билан меҳнат муносабатларида бўлган барча ходимларга, шу жумладан, Жамият ва унинг тизимидаги ташкилотларнинг ходимларига тадбиқ этилади.

1.7 Жамият ва унинг тизимидаги ташкилотларга ишга қабул қилинаётган ҳар қандай шахс ушбу Сиёсат билан имзо қўйган ҳолда танишишга ва унинг қоидаларига риоя қилишга мажбур.

1.8 Ушбу Сиёсат мақсадларида қуйидаги асосий тушунчалар ва атамалар қўлланилади:


**алоқадор шахслар** – ходим билан тижорат ташкилотларининг устав капиталида иштирок этадиган шахслар, акциялари Республика фонд биржасида оммавий муомалада бўлган акциядорлик жамиятларининг беш фоизидан кам бўлган миқдордаги акцияга эканлиги ҳолатлари бундан мустасно;

**иш жараёнидаги меҳмондўстлик белгилари** – Жамият ва унинг тизимидаги ташкилотларнинг ходимлари манфаатларида фаолият давомида ҳамкорлик ўрнатиш ва (ёки) қўллаб-қувватлашга алоқадор харажатлар, шу жумладан, ишбилармонлик билан боғлиқ кечки овқат, транспорт ва яшаш харажатларини қоплаш билан боғлиқ харажатлар ва ҳ.к.;

**коррупцияга қарши курашиш талаблари бузилганлиги тўғрисида виждонан хабар бериш** – Жамият ва унинг тизимидаги ташкилотларнинг ходими томонидан коррупциявий ҳуқуқбузарлик содир этилганлиги (содир этишга суиқасд қилинганлиги)

тўғрисида русхат этилган алоқа каналлари орқали асослигига ишонч ҳосил қилган ҳолда йўллаган мурожаат;

**контрагент (шартномавий шерик)** – Жамият ва унинг тизимидаги ташкилотлар билан шартномавий муносабатларга (меҳнат муносабатлари бундан мустасно) киришган ҳар қандай юридик ёки жисмоний шахс;

 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 6 бет 04.04.2022 й.

**коррупция** – шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равишда фойдаланиши, худди шунингдек бундай нафни қонунга хилоф равишда тақдим этиш;

**коррупциявий ҳаракатлар** – ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани яъни пул, қимматбаҳо қоғозлар, бошқа мол-мулкни, мулкий тусдаги хизматларни, бошқа мулкий ҳуқуқларни олиш, талаб қилиш, таклиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

**коррупцияга оид ҳуқуқбузарлик** – коррупция белгиларига эга бўлган, содир этилганлиги учун қонун ҳужжатларида жавобгарлик назарда тутилган қилмиш;


**коррупцияга қарши курашиш тизими** – қўлланиладиган амалдаги қонунчилик ва ички ҳужжатларни коррупциявий жиҳатдан бузилишини бартараф этиш, Жамият ва унинг тизимидаги ташкилотларнинг ходимлари томонидан юқори даражада касбий ва ахлоқий фаолият олиб боришларини таъминлаш бўйича чора-тадбирлар мажмуи;

**коррупциявий хавф-хатар** – Жамият ва унинг тизимидаги ташкилотларнинг ходимлари ёки учинчи шахслар томонидан Жамият ва унинг тизимидаги ташкилотлар номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш эҳтимоли ва хавфи;

**манфаатлар тўқнашуви** – Жамият ва унинг тизимидаги ташкилотларнинг ходимининг шахсий (бевосита ёки билвосита) манфаатдорлиги унинг хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда ходимнинг шахсий манфаатдорлиги билан Жамият ва унинг тизимидаги ташкилотлари манфаатлари ўртасида қарама-қаршилик юзага келаётган ёки юзага келиши мумкин бўлган вазият;

**расмиятчиликни соддалаштириш учун тўловлар** – белгиланган тартиб-таомиллар бажарилишини таъминлаш ёки тезлаштириш, тегишли қонунчилик, нормалар ва қоидаларда назарда тутилмаган ҳаракатлар содир этиш учун ғайриқонуний равишда бериладиган пул маблағлари, мол-мулк, мулкий ҳуқуқлар, хизматлар ва бошқа моддий ёки номоддий наф;

**ходимнинг шахсий манфаатдорлиги** – Жамият ва унинг тизимидаги ташкилотларнинг ходими томонидан ўз хизмат вазифаларини бажариш чоғида унинг яқин қариндоши ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий қимматликлар, бошқа мол-мулк,

 <b>O'ZBEKINVEST</b> <small>SUGURTA KOMPANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
		20 дан 7 бет 04.04.2022 й.
<b>GK 40</b>		

бойлик ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорат ёки нотижорат манфаатлари);

**ходим** – Жамият ва унинг тизимидаги (филиаллари) ташкилотлар билан меҳнат муносабатларига киришган шахс;

**яқин қариндошлар** – ота-она, туғишган ва ўғай ака-укалар ва опа-сингиллар, эр (хотин), фарзандлар, шу жумладан фарзандликка олинганлар, боболар, бувилар, неваралар, шунингдек эрнинг (хотиннинг) ота-онаси;

## **2-БЎЛИМ. КОРРУПЦИЯГА ҚАРШИ КУРАШИШНИНГ АСОСИЙ ТАМОЙИЛЛАРИ**

2. Жамият ва унинг тизимидаги ташкилотлар коррупцияга қарши курашиш тизимини қуйидаги тамойилларга асосланиб амалга оширади:

**қонунийлик** – Жамият ва унинг тизимидаги ташкилотлар коррупцияга қарши курашиш бўйича чора-тадбирлар Ўзбекистон Республикаси қонунчилиги талаблари, давлат органларида коррупцияга қарши курашиш бўйича жаҳонда тан олинган амалиётни ҳисобга олган ҳолда ҳамда Жамият тизимининг белгиланган ички ҳужжатларига мувофиқ амалга оширилади;


**коррупцияга тоқатсизлик** – Жамият ва унинг тизимидаги ташкилотлар ўз фаолиятининг барча соҳаларида коррупциянинг ҳар қандай шакллари ва кўринишларига мурасасиз муносабатда бўлади. Жамият ва унинг тизимидаги ташкилотларнинг ходимларига коррупциявий хавф-хатар келиб чиқиши мумкин бўлган фаолиятда бевосита ёки билвосита иштирок этиш тақиқланади;

**очиқлик ва шаффофлик** – Жамият тизимида коррупцияга қарши курашиш соҳасида қабул қилинган ва амалга ошириладиган чора-тадбирлар ҳақида Жамият ва унинг тизимидаги ташкилотлар ва контрагентларини кенг жамоатчиликни хабардор қилиш;

**коррупцияга қарши курашиш бўйича амалга ошириладиган чора-тадбирларнинг превентивлиги, тизимлиги ва ўзаро боғлиқлиги** – Жамият ва унинг тизимидаги ташкилотлар коррупциявий ҳатти-ҳаракатлар содир этилишига ва коррупциявий хавф-хатарларга кўмаклашувчи сабаб ва шарт-шароитларни бартараф этишга қаратилган превентив чора-тадбирларни амалга оширишга устувор аҳамият

беради. Коррупцияга қарши курашиш бўйича амалга ошириладиган чора-тадбирлар ва тартиб-таомиллар аниқланган хавф-хатарлар даражасига мувофиқ келади ҳамда Жамият ва унинг тизимидаги ташкилотлар барча функциялари ва йўналишларига интеграция қилинган коррупцияга қарши курашиш тизимига бирлаштирилган;

**коррупция билан боғлиқ ҳуқуқбузарликлар учун жавобгарликнинг муқаррарлиги** – коррупция билан боғлиқ ҳуқуқбузарликларни содир этган Жамият ва унинг тизимидаги ташкилотларнинг ходимлари ўзининг мақоми ва эгаллаб турган

 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекивест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 8 бет 04.04.2022 й.

лавозимидан қатъий назар Жамият ички ҳужжатлари ва амалдаги қонунчиликка мувофиқ жавобгарликка тортиладилар;

**техника тараққиётининг ютуқларидан фойдаланиш** – Жамият ва унинг тизимидаги ташкилотлар коррупцияга қарши курашиш тизимини яратишда илм-фан тараққиётининг сўнгги ютуқларидан, шу жумладан, интеграциялаштирилган ахборот тизимларидан фойдаланишга интилади;

**тўғридан-тўғри раҳбариятга мурожаат қилиш** – Жамият ва унинг тизимидаги ташкилотларнинг ҳар бир ходими коррупциявий ҳуқуқбузарликлар содир этилганлигини тўғрисида ишончли ва асосли маълумотлар мавжуд бўлганда белгиланган чораларни кўриш учун тўсқинликсиз тизим ташкилоти раҳбари ва Жамият Бош директорига мурожаат қилиши мумкин;

**фуқаролик жамияти вакиллари билан ўзаро ҳамкорлик** – Жамият ва унинг тизимидаги ташкилотлар ўзларига юклатилган функцияларни бажаришда ҳалоллик, холислик ва мустақиллик асосида мустақил назорат қилиш мақсадида фуқаролик жамияти вакиллари жалб этадилар;


**коррупцияга қарши курашиш тизимини доимий равишда такомиллаштириш** – коррупцияга қарши курашиш тизимини мониторинг ва назорат қилиш ҳамда коррупциявий хавф-хатарларни амалга ошириш натижаларига кўра Жамият ва унинг тизимидаги ташкилотларда коррупцияга қарши курашиш тизимининг самарадорлигини тўхтовсиз равишда ошириш чораларини кўрадилар.

### **3-БЎЛИМ. КОРРУПЦИЯГА ҚАРШИ КУРАШИШ ТИЗИМИНИНГ ЭЛЕМЕНТЛАРИ**

3.1. Коррупцияга “мутлақо тоқатсизлик” тамойилига таянган ҳолда Жамият ва унинг тизимидаги ташкилотларнинг барча ходимларига коррупция билан боғлиқ ҳар қандай хатти-ҳаракатларда иштирок этиши, яъни пора берувчининг манфаатларини кўзлаб ҳаракат қилиши ёки ҳаракатсизлиги учун бевосита ёки билвосита, шахсан ёки учинчи шахслар орқали пора, яъни пуллар, қимматбаҳо қоғозлар, бошқа мол-мулк, мулкий тусдаги хизматларни беришни талаб қилиш, товламачилик қилиш, ваъда бериш

ва пора бериш, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, шахс томонидан пора олиш ёки ғайриқонуний бошқа мақсадларда ўз хизмат мавқеидан ноқонуний фойдаланиши қатъиян тақиқланади.

3.2 Қуйидагилар Жамият ва унинг тизимидаги ташкилотлар коррупцияга қарши курашиш тизимининг асосий элементлари ҳисобланади:

 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 9 бет 04.04.2022 й.

а) коррупцияга қарши курашиш бўйича асосий ички ҳужжатлар мавжудлиги, яъни Жамият ва унинг тизимидаги ташкилотларда коррупцияга қарши курашиш тизимининг асосини:

мазкур Сиёсат;

Жамият ва унинг тизимидаги ташкилотлари ходимларининг одоб-ахлоқ қоидалари;

Жамият ва унинг тизимидаги ташкилотларда хизмат жараёнида манфаатлар тўқнашувини тартибга солиш қоидасида акс эттирилган тамойиллар ва талабларни ташкил этади.

б) “Юқоридан қуйига муносабат” – Юқори даражада раҳбарлик намунаси:

Жамият ва унинг тизимидаги ташкилотларнинг раҳбарлари, шунингдек, Жамият ва унинг тизимидаги ташкилотлар раҳбарлари ўзига бўйсунувчилар, фуқаролар ва юридик шахслар билан муносабатларда ҳалол, адолатли ва мустақил ҳулқ-атвор намунаси бўлишлари керак;

Жамият Бош директори, Бош директор ўринбосарлари, Жамият ва унинг тизимидаги ташкилотлар раҳбарлари коррупцияга қарши курашиш самарали тизимни яратиш ва амалга оширишда қуйидагилар орқали етакчиликни намойиш этадилар:

Жамият ва унинг тизимидаги ташкилотлар фаолиятининг хавф-хатарга эга функциялари (йўналишлари)га коррупцияга қарши курашиш самарали чора-тадбирлар ва тартибларни жорий этиш, шу жумладан, коррупцияга қарши курашиш дастури/йўл харитасини ишлаб чиқиш ва унинг ижросини назорат қилиш орқали қўмаклашиш;

ўз мансаб мажбуриятларини бажариш доирасида, Жамият ва унинг тизимидаги ташкилотларнинг ходимларида коррупциянинг барча шакллари ва кўринишларига муросасиз муносабатни шакллантирган ҳолда коррупцияга қарши курашиш бўйича қонунчилик нормалари ва қабул қилинган ички ҳужжатларга риоя қилиш ва ахлоқий ҳулқ-атвор юзасидан шахсан намуна сифатида намоён бўлиш;

в) коррупциявий хавф-хатарни аниқлаш ва баҳолаш:

Жамият ва унинг тизимидаги ташкилотларнинг функцияларини хусусияти, ташкилий тузилмаси, жамият ва бошқа шахслар билан ўзаро фаолият олиб боришига

ҳамда бошқа ички ва ташқи омилларга боғлиқ ҳолда ўз фаолиятига хос бўлган коррупциявий хавф-хатарларни аниқлайди ва баҳолайди;

коррупциявий хавф-хатарни аниқлаш ва баҳолаш доирасида Жамият ва унинг тизимидаги ташкилотларнинг фаолиятини барча соҳалари коррупциявий хавф-хатарига кўпроқ учрайдиган функцияларни аниқлаш мақсадида таҳлил қилинади, уларда мавжуд бўлган коррупцияга қарши курашишни назорат қилишнинг барча шакллари ва тартиб-таомиллари аниқланган хавф-хатарларни камайтириш учун етарлилиги жиҳатидан таҳлил қилинади. Хавф-хатарларни аниқлаш ва баҳолаш



 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 10 бет 04.04.2022 й.

жараёнида Жамият тизимида коррупцияга қарши курашиш бўлимининг фаол қўллаб-қувватлаши ва назорати остида Жамият ва унинг тизимидаги ташкилотларнинг тегишли раҳбарлари, коррупцияга қарши курашишни мувофиқлаштирувчи шахслар иштирок этади;

Жамият ва унинг тизимидаги ташкилотлар коррупциявий ҳаракатларга “мутлақо тоқатсизлик” ни ҳисобга олган ҳолда коррупциявий хавф- хатарларнинг юзага келиш эҳтимоли ва таъсир қилиш даражасидан қатъи назар уларни бошқариш заруратини тан олади;

Коррупциявий хавф-хатарларни баҳолаш йилига камида бир марта амалга оширилади. Коррупциявий хавф-хатарларни баҳолаш натижалари Жамият Бош директори ва Жамият ва унинг тизимидаги ташкилотларнинг раҳбарлари томонидан кўриб чиқилади, шунингдек, аниқланган хавфхатарларни камайтирувчи коррупцияга қарши курашиш чора-тадбирлар ва тартиб-таомиллар Жамиятнинг коррупцияга қарши курашиш бўйича ички идоравий ҳужжатларда акс этирилади.

г) коррупцияга қарши курашиш учун масъул шахслар ва бўлинмалар:


Жамият тизимида коррупцияга қарши курашиш бўйича самарали тизимни йўлга қўйиш мақсадида Жамиятнинг марказий аппаратида Коррупцияга қарши ички назорат ва хавфсизликни таъминлаш департаменти ташкил этилган;

Коррупцияга қарши ички назорат ва хавфсизликни таъминлаш департаменти Жамиятда коррупцияга қарши курашиш бўйича вазифаларни амалга оширишда етарли даражада мустақилликка ва муҳим ресурсларга эга бўлиб, бевосита Жамият Бош директорига бўйсунди ва ўз фаолиятини Бош директор томонидан тасдиқланган Коррупцияга қарши ички назорат ва хавфсизликни таъминлаш департаменти тўғрисидаги низомга мувофиқ амалга оширади;

Коррупцияга қарши курашиш бўйича чора-тадбирларни самарали ва ўз вақтида амалга оширилишини мувофиқлаштириш ва назорат қилиш учун Жамият бошқармалари ва тизимдаги муассасаларда рухсат этилган лавозимларга коррупцияга қарши курашишни мувофиқлаштириш функцияси юклатилиши мумкин. Коррупцияга қарши курашишни мувофиқлаштириш функциялари Жамият марказий аппарати ва тизимидаги

ташкилотларининг юқори даражада коррупциявий хавф-хатарга эга бўлмаган, шунингдек, етарли даражада мустақил бўлган алоҳида ажратилган ходимига юклатилади;

Жамият марказий аппарати ва Жамият тизимидаги ташкилотларнинг коррупцияга қарши курашишни мувофиқлаштирувчилари, коррупцияни бартараф этиш чораларини кўради, шу билан бирга, ўзига юклатилган вазифалар доирасида Коррупцияга қарши ички назорат ва хавфсизликни таъминлаш департаменти билан ҳамкорлик қилади;

 <b>O'ZBEKINVEST</b> <small>SUGURTA KOMPAHIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 11 бет 04.04.2022 й.

Коррупцияга қарши курашиш бўйича фаолиятни амалга оширишда Жамият ва унинг тизим ташкилотлар Ходимлар билан ишлаш департаменти хизмат жараёнида манфаатлар тўқнашувини тартибга солиш қоидаси ва Ўзбекистон Республикаси қонун ҳужжатлари нормаларига мувофиқ белгиланган тартибда ва ҳажмда ходимлар ва алоқадор шахсларнинг яқин қариндошлари тўғрисидаги маълумотларни ўз вақтида ва тизимли йиғиш, таҳлил қилиш ва янгилаб бориш учун жавобгар бўлади;

Бундан ташқари, Жамиятнинг одоб-ахлоқ комиссиялари ходимлар ўртасида манфаатлар тўқнашуви тўғрисидаги Ходимлар билан ишлаш департаментига келиб тушган маълумотларни кўриб чиқади ва (манфаатлар тўқнашуви тартибга солинмаган тақдирда) уни ҳал қилиш бўйича қарор қабул қилади ёки аниқланган манфаатлар тўқнашувини тартибга солиш бўйича кўрилган чораларнинг етарлилиги ёхуд етарли эмаслиги тўғрисида қарор қабул қилади, шунингдек, Жамият ва унинг тизимидаги ташкилотлар томонидан белгиланган одоб-ахлоқ қоидаларига риоя қилиниши масалаларини кўриб чиқади. Ходимлар билан ишлаш департаменти ва Одоб-ахлоқ комиссиялари манфаатлар тўқнашуви қоидалари доирасида иш юритади;

д) аниқланган коррупциявий хавф-хатарни минималлаштирувчи коррупцияга қарши курашиш чоралар:

Жамият ва унинг тизимидаги ташкилотлар ўз фаолияти ва функцияларидаги коррупциявий хавф-хатарли йўналишларда умумий назорат муҳитини ва коррупцияга қарши курашиш назорат ҳамда тартибтаомилларни ўз ичига олувчи коррупцияга қарши курашишнинг комплекс тизимини жорий этадилар.

Жамият коррупцияга қарши курашишни назорат қилиш ва тартиб-таомилларнинг самарадорлиги, жумладан, уларнинг аниқланган хавф-хатар даражасига мутаносиблиги, Жамият ходимлари учун қатъийлиги ва аниқлиги, фуқаролик жамияти учун шаффофлигини таъминлашга интиладилар;

Амалга ошириладиган тадбирлар, шунингдек, коррупцияга қарши курашиш бўйича назорат чоралари ва тартиб-таомиллар Жамиятнинг ички идоравий ҳужжатларида белгиланади;

е) ахборотлаштириш, коммуникация ва маслаҳат бериш:

Коррупциявий хавф-хатарларни камайтириш ва Жамиятнинг коррупцияга қарши курашиш тамойиллари ва талаблари ҳақида жамиятнинг хабардорлигини ошириш

мақсадида, мазкур Сиёсат ва Жамият ҳамда тизим ташкилотлари коррупцияга қарши курашиш бўйича амалга ошириладиган чора-тадбирлари тўғрисидаги асосий маълумотлар уларнинг Интернет тармоғидаги расмий веб сайтларига жойлаштирилади.

Бундан ташқари, Жамият ва унинг тизимидаги ташкилотларнинг коррупцияга қарши курашиш амалдаги қонун ҳужжатлари нормалари ва коррупцияга қарши курашиш жорий этилган тамойиллар ва талаблар ҳақида Жамият ва унинг тизимидаги ташкилотларнинг ходимлари ва бошқа манфаатдор шахсларни хабардор қилиш ва

тушунтириш бўйича қуйидагилар орқали барча оқилона хатти-ҳаракатларни амалга оширади:

Жамият ва унинг тизимидаги ташкилотларнинг ходимларини йилига камида бир маротаба коррупцияга қарши курашиш асослари бўйича доимий ва тизимли ўқитиш, шу жумладан, ишга янги қабул қилинаётган ходимларни ушбу Сиёсат ва коррупцияга қарши курашиш бўйича бошқа ички идоравий ҳужжатлар билан мажбурий тартибда таништириш билан биргаликда уларни коррупцияга қарши курашиш бўйича мажбурий курсларда ўқитиш. Коррупциявий хавф-хатари юқори бўлган лавозимлар учун Жамият коррупцияга қарши курашиш бўйича қўшимча таълим дастурлари белгиланади. Ўтказилган ўқиш/тренинглар ҳақидаги маълумотлар Ходимлар билан ишлаш департаментида қонунчиликда белгиланган тартибда сақланади;

Жамият ва унинг тизимидаги ташкилотларнинг ходимлари ва фуқароларнинг коррупцияга муросасиз муносабатини шакллантириш бўйича ва коррупцияга қарши курашиш, амалга оширилган чора-тадбирлар тўғрисида хабардорлигини оширишга қаратилган тематик аудио ва видеороликлар ҳамда бошқа ахборот маълумотларидан фойдаланган ҳолда коррупцияга қарши курашиш тадбирлар ўтказиш;

Жамият ва унинг тизимидаги ташкилотларнинг ходимлари томонидан коррупцияга оид ҳуқуқбузарликлар содир этилганлиги гумонлар ёки фактлар, коррупциявий хавф-хатарлар ва бошқалар (коррупция фактлари ҳақида хабар берилиши мумкин бўлган усуллари тўғрисидаги батафсил маълумот мазкур Сиёсатнинг 4-бобида назарда тутилган) хабар берилиши мумкин бўлган алоқа каналлари билан таъминлаш;

мазкур Сиёсат қоидаларини қўллаш ёки Коррупцияга қарши ички назорат ва хавфсизликни таъминлаш департаменти/коррупцияга қарши курашишни мувофиқлаштирувчи томонидан коррупцияга қарши курашиш чора-тадбирлар ва тартиб-таомилларни амалга ошириш билан боғлиқ саволлар келиб чиққанда Жамият ва унинг тизим ташкилотларининг ходимларига маслаҳатлар бериш;


Жамият ва унинг тизимидаги ташкилотларнинг ходимларини меҳнат шартномаларига коррупцияга қарши курашиш қоидаларни киритиш;

тасдиқланган режага мувофиқ коррупцияга қарши курашиш бўйича масъул шахс томонидан коррупцияга қарши курашиш хулқ-атвор юзасидан ташвиқотлар ўтказиш;

контрагентларни коррупцияга қарши курашиш қабул қилинган талаблар ва тамойиллар ҳақида, шу жумладан, улар билан тузиладиган шартномаларга коррупцияга қарши курашиш бўйича махсус шартларни киритиш тўғрисида хабардор қилиш ва ҳ.к.;

г) мониторинг, назорат ва ҳисобот:

Коррупцияга қарши ички назорат ва хавфсизликни таъминлаш департаменти Жамият тизимида коррупцияга қарши курашиш амалга оширилган чора-

 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 13 бет 04.04.2022 й.

тадбирларнинг етарлилиги, муносиблиги ва самардорлигини баҳолайди ҳамда доимий мониторингини олиб боради. Ўтказилган мониторинг натижалари бўйича Жамиятда коррупцияга қарши курашиш тизимини такомиллаштириш юзасидан тегишли чоралар кўрилади.

Жамиятда мониторинг ва назорат қилишнинг қуйидаги тартибтаомиллари амалга оширилади:

Жамият ва унинг тизимидаги ташкилотларнинг фаолияти ва функцияларидаги ўзгаришлар, уларнинг ташкилий-функционал тузилмасидаги ўзгаришлар ҳамда бошқа ички ва ташқи омилларнинг Жамиятда коррупцияга қарши курашиш тизимига таъсирини, мазкур тизимга ўзгартириш киритиш заруриятини таҳлил қилиш, шу жумладан, уни амалдаги қонунчилик талабларига мувофиқлигини таъминлаш;

тасдиқланган режага мувофиқ самарасиз назорат ва тартиб-таомилларни аниқлаш учун уларни тўғрилаш ва коррупцияга қарши курашиш тизимининг ишончилиги ва самардорлигини таъминлаш мақсадида танлов асосида Жамият тизимидаги функциялар ва ички жараёнларни мониторинг қилиш;

ички ва (ёки) ташқи текширувларни ўтказиш жараёнида Жамият ва унинг тизимидаги ташкилотларнинг ходимлари томонидан коррупцияга қарши курашиш бўйича талабларга риоя қилинишини назорат қилиш;

Коррупцияга қарши ички назорат ва хавфсизликни таъминлаш департаменти, коррупцияга қарши курашишни мувофиқлаштирувчи ва бошқа таркибий тузилмаларга юклатилган коррупцияга қарши чоратадбирларнинг ўз вақтида ва тегишли тартибда амалга оширилиши устидан назорат олиб бориш ва ҳ.к.

Коррупцияга қарши курашиш тизимини назорат қилиш ва мониторинги бўйича чора-тадбирлар натижалари Жамият Бош директори, Жамият ҳайъати, Жамият марказий аппарати ва тизим ташкилотлари раҳбарларининг чораклик ҳисоботларида ўз аксини топади.

з) ҳуқуқбузарликларга нисбатан муносабат билдириш ва айбдор шахсларни жавобгарликка тортиш:

мазкур Сиёсатга амал қилиш ва Жамият тизимида коррупцияга қарши курашиш чора-тадбирларга риоя қилиш ҳар бир ходим учун ўз хизмат мажбуриятларини бажарилиши доирасида мажбурийдир. Ходимлар белгиланган талаб ва тартиб-

таомилларнинг бузганлиги учун шахсан жавобгар ҳисобланадилар. Бундан ташқари, бевосита раҳбарлар ўз бўйсунувидаги ходимлар томонидан коррупцияга оид ҳуқуқбузарликларни содир этилганлиги учун шахсан жавобгар ҳисобланадилар;

коррупцияга қарши курашишга оид белгиланган талаблар ва тамойилларни бузган Жамият ва тизим ташкилотлари ходимлари Ўзбекистон Республикаси қонунчилигида белгиланган тартибда ва асосларда интизомий, маъмурий ёки жиноий жавобгарликка тортиладилар;



ходимлар уларни коррупция билан боғлиқ ҳуқуқбузарликни содир этишга ундовчи шахсларнинг ҳар қандай мурожаатлари тўғрисида, шунингдек, бошқа ходимлар томонидан содир этилган коррупцияга оид ҳуқуқбузарликлар ҳақида ўзига маълум бўлган ҳар қандай фактлар ҳақида ўз раҳбарларига ва Коррупцияга қарши ички назорат ва хавфсизликни таъминлаш департаментига хабар беришлари шарт;

коррупцияга мутлақо тоқатсизлик тамойилини ҳисобга олган ҳолда, Жамият ва унинг тизимидаги ташкилотларнинг ходимларини коррупцияга оид ҳуқуқбузарлик содир этишлари билан боғлиқ ҳар қандай асосли шубҳа бўйича хизмат текширувлари Ўзбекистон Республикаси қонунчилиги талабларига мувофиқ ва ички ҳужжатларда белгиланган тартибда ўтказилади. Коррупцияга қарши курашиш тўғрисидаги қонун ҳужжатлари нормаларини ва (ёки) мазкур сиёсат ва Жамиятнинг бошқа ички ҳужжатларида белгиланган коррупцияга қарши талаб ва тартиб-таомилларни бузган Жамият ва унинг тизимидаги ташкилотларнинг ходимлари, уларнинг лавозими, хизмат муддати ва бошқа омиллардан қатъи назар Ўзбекистон Республикаси қонунчилигида ҳамда Жамиятнинг ички ҳужжатларида назарда тутилган доирада ва асосларда жавобгарликка тортиладилар;

коррупцияга оид ҳуқуқбузарлик аниқланган тақдирда Жамият уларнинг содир этилиш сабаблари ва шарт-шароитларини таҳлил қиладилар ва доимий асосда коррупцияга қарши курашиш тизимини такомиллаштирадилар;

Жамият ва унинг тизимидаги ташкилотларнинг коррупцияга оид ҳуқуқ бузарликларни аниқлаш ва текшириш учун бошқа ҳуқуқни муҳофаза қилувчи органлар ва давлат органлари билан ҳамкорлик қиладилар.


## **4-БЎЛИМ. КОРРУПЦИЯГА ҚАРШИ КУРАШИШНИНГ АСОСИЙ ЙЎНАЛИШЛАРИ**

### **4.1. Хизмат жараёнида манфаатлар тўқнашувини тартибга солиш**

4.1.1. Жамият ва унинг тизимидаги ташкилотларнинг ходимлари ўз хизмат мажбуриятларини бажариш ва (ёки) Жамият манфаатларини ифодалаш доирасида

виждонлилик ва ҳалоллик тамойилларига амал қилиши, шахсий манфаатларини ҳисобга олган ҳолда ўзларининг хизмат мавқеидан ва (ёки) Жамиятнинг мол-мулкидан фойдаланмаслик ва манфаатлар тўқнашувига олиб келадиган вазиятлардан сақланишлари лозим.

Жамият ва унинг тизимидаги ташкилотларнинг ходимлари ўзларининг хизмат мажбуриятларини лозим даражада ва холис бажаришларига, жумладан, холис қарор қабул қилишга ҳамда Жамият ва унинг тизимидаги ташкилотларнинг ҳуқуқлари, қонуний манфаатлари, молмулки ва (ёки) нуфузига таъсир қиладиган ёки таъсир қилиши мумкин бўлган вазиятда манфаатлар тўқнашуви юзага келади.

 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 15 бет 04.04.2022 й.

4.1.2. Жамият ва унинг тизимидаги ташкилотларга ходимларнинг ишга қабул қилинишида, бошқа лавозимга ўтказилишида манфаатлар тўқнашувига олиб келадиган ёки олиб келиши мумкин бўлган шахсий манфаатдорлиги ҳақидаги маълумотларни ҳар йили ва тегишли вазиятлар/ҳолатлар юзага келишига қараб ошкор қилишга мажбурдирлар. Жамият ва тизим ташкилотларининг ходимлари томонидан манфаатлар тўқнашуви тўғрисидаги маълумотларни ошкор қилиш ва уни ҳал қилиш жараёни Жамият тизимида манфаатлар тўқнашувини бошқариш тўғрисидаги тартиб билан тартибга солинади.

## 4.2. Совғалар ва иш жараёнида меҳмондўстлик белгилари

4.2.1. Жамият ва унинг тизимидаги ташкилотларнинг ходимларига ўз хизмат мажбуриятларини бажариш билан боғлиқ ҳолда жисмоний ва юридик шахслардан бирон-бир совға ёки иш жараёнида меҳмондўстликнинг белгилари, қарз, кафолатлар, кафилликлар, мукофотлар шаклида рағбатлантириш воситаларини, нақд пул маблағлари ёки уларнинг эквиваленти, қимматли қоғозлар кўринишида моддий ёрдам қабул қилиш тақиқланади.

4.2.2. Жамият ва унинг тизимидаги ташкилотларнинг ходимлари томонидан расмий делегациялар таркибида, расмий тадбирларда, жумладан, хорижда олинган ҳар қандай совғалар суммасидан қатъи назар Жамият мулкига ўтказилади.

4.2.3. Жамият ва унинг тизимидаги ташкилотларнинг ходимларига уларнинг шахси билан боғлиқ байрамлар (туғилган кун, боланинг туғилиши, Ватан ҳимоячилари куни, Халқаро хотин-қизлар куни) да берилган, хизмат мажбуриятларини бажариши билан боғлиқ бўлмаган совғалар ходимнинг шахси билан боғлиқ совғалар деб тан олинади.

4.2.4. Бундай совғаларни беришда қуйидаги талабларга риоя қилиш лозим:  
совғалар Жамиятнинг камида уч нафар ходимлари иштирокида берилиши;

совға бериш жараёни табрик нутқи билан бирга бўлиши, унда совға беришга сабаб бўлган воқеа ўзининг аниқ ифодасини топган бўлиши;

совғанинг умумий қиймати (барча солиқлар ва йиғимларни ҳисобга олган ҳолда) 5 (беш) базавий ҳисоблаш миқдоридан ошмаслиги;

Жамиятнинг битта ходими бошқа ходимга совға учун сарфлайдиган харажат суммаси, ҳар бир ҳолатда 1 (битта) базавий ҳисоблаш миқдоридан ошмаслиги керак.

4.2.5. Шубҳалар пайдо бўлмаслиги учун бошқа давлат органлари ва ташкилотлари ходимлари, шериклар ва контрагентлар, ушбу Сиёсатнинг 4.2.2. ва 4.2.3-бандларида кўрсатилмаган бошқа жисмоний ва юридик шахслардан ҳар қандай байрам (туғилган кун, фарзанд туғилиши, Ватан ҳимоячилари куни, Халқаро хатин-қизлар куни ва ҳ.к. ни инобатга олган ҳолда, бироқ бу билан чекланмасдан) билан боғлиқ ҳолда олинмаган, ушбу Сиёсатнинг 4.2.1-бандида санаб ўтилган совғалар ва бошқа моддий бойликларни олиш тақиқланади.



4.2.6. Жамият номидан халқаро конференцияларда, симпозиумларда ва бошқа ишбилармонлик (хизматга оид) йиғилишларда совғалар бериш бош директор ёки унинг ўринбосарларининг буйруғи билан амалга оширилади.

4.2.7. Совғани қабул қилишнинг қонунийлиги тўғрисида шубҳа туғилган ҳар қандай ҳолларда Жамият ходими Коррупцияга қарши ички назорат ва хавфсизликни таъминлаш департаментига маслаҳат сўраб муурожаат қилиши лозим.

### **4.3. Ходимларни танлаш, лавозимдан лавозимга ўтказиш, моддий рағбатлантириш**

4.3.1. Жамият ва унинг тизимидаги ташкилотларнинг ходимларини танлаш, уларни аттестациядан ўтказиш ва фаолиятини баҳолаш, шу жумладан, мукофот пулларини тўлаш, устама ҳақлар ва бошқа турдаги мукофотларни белгилаш жараёни барча ходимлар учун шаффоф, тенг ва холис бўлиб, ушбу Сиёсатнинг асосий тамойиллари ва талабларига мувофиқ келади.

4.3.2. Жамият ва унинг тизимидаги ташкилотларнинг раҳбарлари, шунингдек, бошқарма ва бўлим бошлиқларини мукофотлашга асос бўлиб хизмат қиладиган, улар фаолиятининг асосий кўрсаткичларини баҳолаш тартиби ва мезонлари ишлаб чиқилган бўлиши лозим. Ушбу кўрсаткичлар холис, ошқора ҳамда Жамият ва унинг тизимидаги ташкилотларнинг ходимлари томонидан кўриб чиқилиши мумкин.

### **4.4 Хизмат кўрсатиш ҳамда корхоналарда давлат назоратини ўтказиш**

4.4.1. Фаолиятга оид хизматларни кўрсатиш ҳамда корхоналарда (кейинги ўринларда – объектлар) давлат назоратини ўтказишда Жамият ва тизимидаги ташкилотларининг ходимлари:

манфаатлар тўқнашувига йўл қўймаслиги;


давлат назоратини ўтказиш бир ходим томонидан амалга оширилмаслиги;

содир этилиши мумкин бўлган ҳуқуқбузарликларни сохталаштириш учун объект вакилларининг саводсизлигидан фойдаланиб қонун ҳужжатлари нормаларини нотўғри талқин қилмаслиги, объект ходимларини аниқланган фактларни ҳуқуқни муҳофаза қилувчи органларга тақдим этиш билан кўрқитмаслиги;

объектнинг ходимларига таҳдид қилмаслиги;

давлат назорати ва хизмат кўрсатиш предметига кирмайдиган масалалар билан қизиқмасликлари ва ҳужжатларни сўрамасликлари.

Жамият ва унинг тизимидаги ташкилотларнинг ходимлари хизмат кўрсатиш ва давлат назорати давомида аниқланган ҳар бир ҳуқуқбузарлик ҳолатларига қонуний ва профессионал баҳо беришлари; агар объект вакиллари Жамият ва унинг тизимидаги ташкилотларнинг ходимларига аниқланган қонунбузарликларни яшириш учун пора ва (ёки) бирон-бир моддий қимматлик ёки хизматларни таклиф қилса, гуруҳ раҳбарини дарҳол хабардор қилишлари;

 <b>O'ZBEKINVEST</b> <small>SUGURTA KOMPANIYASI</small>	<b>«Ўбекинвест» ЭИСК» АЖнинг коррупцияга қарши курашиш сиёсати</b>	<b>RD-153</b>
		20 дан 17 бет 04.04.2022 й.
<b>GK 40</b>		

текшириш объекти вакилларига Жамият ва унинг тизимидаги ташкилотларнинг ходимларини ахлоқий хулқ-автор тамойилларига мувофиқ ҳолис муносабатда бўлишлари шарт.

#### **4.5. Контрагентлар ва учинчи шахслар билан ўзаро муносабатлар**

4.5.1. Жамият ва унинг тизимидаги ташкилотлар ушбу Сиёсатнинг тамойиллари ва талабларига зид бўлган ҳар қандай тўловлар ва (ёки) шу каби коррупциявий хавф-хатарларни келтириб чиқарувчи хатти-ҳаракатларни амалга ошириш учун маҳсулот етказиб берувчиларни, пудратчиларни ва бошқа учинчи томонларни жалб қилмайдилар.

4.5.2. Жамият ва унинг тизимидаги ташкилотларини контрагентлар билан муносабатларида ўз фаолиятини амалга оширишида қонунийлик ва шаффофлик тамойилларига амал қиладилар. Жамият ва унинг тизимидаги ташкилотларни танлашнинг ҳолис мезонларидан фойдаланишга асосланган, етказиб берувчилар ва бошқа контрагентларни танлаб олишнинг ҳаққоний, очиқ ва шаффоф жараёнини ҳамда Ўзбекистон Республикасининг амалдаги қонунчилиги ва сотиб олинган маҳсулотнинг Жамият тизимининг ички ҳужжатлари билан тартибга солинадиган баҳосини аниқлашнинг шаффоф тартибини таъминлайдилар.

4.5.3. Жамият ва унинг тизимидаги ташкилотларнинг контрагент билан ўзаро ҳамкорлигида:

эҳтимоли юқори бўлган контрагентнинг ишончилигини, шу жумладан ўтмишда коррупциявий ҳуқуқбузарликларни содир этганлиги, Жамият ва унинг тизимидаги

ташкилотларнинг давлат харидлари тўғрисидаги низомга мувофиқ ва Ўзбекистон Республикаси қонунчилиги нормалари доирасида Жамият тизими ходимлари билан манфаатлар тўқнашуви мавжуд эмаслигини текширадилар;

эҳтимоли юқори бўлган контрагентни (танлов, тендер қолибини ва тўғридан-тўғри шартномалар бўйича харид контрагентини) ўзининг коррупцияга қарши тамойиллари ва талаблари ҳақида улар билан тузиладиган шартномалар матнига коррупцияга қарши махсус шартларни кўшган ҳолда хабардор қиладилар.

#### **4.6. Хайрия ва ҳомийлик фаолияти**

4.6.1. Жамият ва унинг тизимидаги ташкилотлар қонунда назарда тутилган ҳолларда хайрия ва ҳомийликни қабул қилишлари мумкин. Бундай ёрдамни олган пайтда Жамият ва унинг тизимидаги ташкилотлар манфаатлар тўқнашувига йўл қўймайди, маблағларни қонунда ва (ёки) шартномада белгиланган мақсадлар учун самарали сарфланишини таъминлаш, шунингдек Интернет тармоғидаги ўзининг расмий веб-сайтларида имкон қадар барча чораларни кўришлари мумкин.



 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекивест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 18 бет 04.04.2022 й.

#### **4.7. “Сирли мижоз” тадбири**

4.7.1. Жамият ва унинг тизимидаги ташкилотлар томонидан кўрсатилаётган хизматларнинг сифати ва тезлигини, шунингдек ҳаққоний ва шаффофлигини аниқлаш учун хизматларнинг ҳақиқий олувчилари сифатида алоҳида назорат тадбирлари ўтказилади. Хизматларни кўрсатиш жараёнида мустақил компания бундай хизматларнинг сифати, муддатлари, шартларини, шунингдек, Жамият тизими ходимларининг белгиланган ахлоқ қоидаларига, шу жумладан ходимнинг пора олишга мойиллигини белгилаб боради.

Жамият ва унинг тизимидаги ташкилотларда ўтказилган “сирли мижоз” тадбирлари тўғрисидаги ҳисоботларни кўриб чиқадилар ва коррупция хавфи аниқланган тақдирда хизмат текшируви тайинлаш ҳақидаги ташаббус билан чиқадилар.

#### **4.8. Жамият ва унинг тизим ташкилотлари фаолиятини видеотасвирга олиш ва трансляция қилиш**

4.8.1. Жамият ва унинг тизимидаги ташкилотлар ходимларининг фаолиятини назорат қилиш учун Жамият ва унинг тизимидаги ташкилотлар хоналарида видео ва аудио ёзув камералари жойлаштирилади, уларнинг ёзувлари Жамият ва унинг тизимидаги ташкилотларнинг масъул ходимлари томонидан доимий равишда кузатиб борилади.


4.8.2. Жамият ва унинг тизимидаги ташкилотларнинг расмий вебсайтларига коррупция хавфи юқори бўлган айрим жараёнларнинг онлайн трансляциялари жойлаштирилади (хусусан, ходимлар билан суҳбат ўтказиш ва уларни синовдан ўтказиш, комиссия йиғилишлари ва бошқалар).

#### **4.9. Ички ҳужжатларни коррупцияга қарши экспертизаси**

4.9.1. Ички ҳужжатларни ҳуқуқий экспертизадан ўтказишда ҳужжатларда коррупциявий ҳуқуқбузарликлар содир этилишига имкон яратадиган коррупциявий омиллар келиб чиқишини олдини олиш, аниқлаш ва истисно қилиш мақсадида ҳам экспертиза ўтказилади.

#### **4.10. Жамият ходимларига маслаҳат бериш**

4.10.1. Жамият ва унинг тизимидаги ташкилотларнинг ходимларида коррупцияга қарши амалдаги қонун ҳужжатлари талаблари, ушбу Сиёсат қоидалари ёки Жамият ва унинг тизимидаги ташкилотларда коррупцияга қарши бошқа чора-тадбирлар ва тартиб-таомиллар билан боғлиқ бўлган ҳар қандай саволлар бўлса, улар

 <b>O'ZBEKINVEST</b> <small>SUGURTA KOMPAHIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
		20 дан 19 бет 04.04.2022 й.
<b>GK 40</b>		

Ўзларининг таркибий бўлинмаси/ тизим ташкилотлари ва (ёки) Коррупцияга қарши ички назорат ва хавфсизликни таъминлаш департаментига ҳамда (78) 120 03 61 ишонч телефониغا мурожаат қилишлари мумкин.

## **5-БЎЛИМ. ҚОНУНБУЗИЛИШЛАР ТЎҒРИСИДА ХАБАР БЕРИШ**

5.1. Жамият ва унинг тизимидаги ташкилотларнинг ходимлари ва бошқа шахслар, агар улар Жамият тизими ходимлари хатти-ҳаракатларининг қонунийлиги ва (ёки) одоб-ахлоққа мувофиқлиги тўғрисида шубҳа туғилса, коррупция ва бошқа ҳуқуқбузарлик ҳолатлари содир этилишига гумон ёки содир этилганлиги фактлари бўлса, улар бу ҳақда Жамиятнинг фойдаланиш мумкин бўлган алоқа каналлари орқали хабар беришлари мумкин.

5.2. Жамият унинг тизимидаги ташкилотлар ўз ваколатлари ва мавжуд имкониятлари доирасида ҳуқуқбузарлик тўғрисида ишончли маълумот берган шахснинг махфийлигини таъминлайдилар (қонунчиликда назарда тутилган ҳоллар бундан мустасно).

5.3. Жамият ва унинг тизимидаги ташкилотларнинг ўз ходимларининг манфаатларини ҳимоя қиладилар ва қасос олишга қаратилган ҳаракатларга, шу жумладан ишдан бўшатиш, лавозимни пасайтириш, камситиш, босим ўтказиш, Жамият тизимининг

бошқа ходимларининг шубҳали ҳаракатлари ёки улар томонидан ушбу Сиёсатнинг коррупцияга қарши талабларини бузиш эҳтимоли ҳақида хабар берган шахсларни таъқиб қилинишига йўл қўймаслигини кафолатлайдилар.

5.4. Коррупцияга оид ҳуқуқбузарликлар тўғрисидаги хабарларни куйидаги алоқа каналлари орқали бериш мумкин:

(78) 120 03 61 телефон рақами ва Жамият ва унинг тизимидаги ташкилотлар томонидан ўрнатилган бошқа телефон рақамлар;

Жамиятнинг Телеграм каналлари;

Жамиятнинг расмий веб-сайтларида жойлаштирилган шакллар;

Жамиятнинг электрон почта манзиллари;

тўғридан-тўғри ҳуқуқни муҳофаза қилиш органларига.

5.5. Жамият тизимининг алоқа каналларига келиб тушган барча хабарлар Ўзбекистон Республикаси қонун ҳужжатлари ва Жамият ва унинг тизимидаги ташкилотларнинг ички ҳужжатларига мувофиқ Жамият тизимининг масъул бўлинмаси ёки ходими томонидан ҳолис тарзда ва ўз вақтида кўриб чиқилади.

5.6. Аноним равишда юборилган хабарлар ҳам кўриб чиқиш учун қабул қилинади.

Ўз номини ошкор қилинмаслигини истаган ариза берувчи бундай ҳолатда куйидагиларни тан олади:

 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
<b>GK 40</b>		20 дан 20 бет 04.04.2022 й.

Жамият ва муассасалари хабарга жавоб бериш учун мурожаат этувчи шахс билан боғлана олмайди;

Жамият ва унинг тизимидаги ташкилотлар зарур қўшимча маълумотларни олишнинг имконияти йўқлиги сабабли хабарни тўлиқ ва ҳар томонлама текширишни амалга ошира олмайди.

5.7. Жамият ва унинг тизимидаги ташкилотлар томонидан келиб тушган хабарга жавоб бериш учун мурожаат этувчи шахс билан қуйидаги ҳолатларда боғланилмайди:

тўлиқ ва кенг қамровли текшириш ўтказиш учун зарур бўлган қўшимча

маълумотларнинг йўқлиги; Жамият ва унинг тизимидаги ташкилотлар ходимининг қасддан ёлғон маълумотни тақдим этиши ушбу Сиёсатни бузилиши ва ахлоқсиз хулқ-атворнинг намунаси сифатида қаралса, бундай шахс эса Ўзбекистон Республикаси қонун ҳужжатларига ва Жамиятнинг ички ҳужжатларига мувофиқ жавобгарликка тортилиши мумкин.

5.8. Жамият тизимида коррупция фактлари тўғрисида виждонан хабар берган Жамият ва унинг тизимидаги ташкилотларнинг ходимлари, агар бу маълумотлар тасдиқланган бўлса, ички ҳужжатларга мувофиқ рағбатлантирилиши мумкин.

5.9. Барча алоқа каналларининг ишлаши ва олинган хабарларни қайта ишлаш/кўриб чиқиш тартиби тўғрисидаги батафсил маълумот Жамиятнинг

коррупциявий тусдаги маълумот ҳақида хабар бериш учун алоқа каналлари тўғрисидаги низомда ва Жамиятнинг бошқа шунга ўхшаш ички ҳужжатларида акс этган.


## **6-БЎЛИМ. ҚАЙТА КЎРИБ ЧИҚИШ ВА ЎЗГАРТИРИШЛАР КИРИТИШ ТАРТИБИ**

6.1. Ушбу Сиёсат қуйидаги ҳолларда қайта кўриб чиқилиши ва тузатилиши керак:

коррупцияга қарши курашиш амалдаги сиёсат ва тартиб-таомилларни қайта кўриб чиқиш заруратини келтириб чиқарадиган ҳолда коррупцияга қарши курашиш соҳасида Ўзбекистон Республикасининг қонунчилиги ўзгарганда;

коррупцияга қарши курашиш самарасиз назорат ва тартиб-таомиллар аниқланганда ва Жамият ва унинг тизимидаги ташкилотларнинг фаолиятида коррупцияни олдини олиш ва унга қарши курашишга қаратилган чоратадбирларни такомиллаштиришга зарурат туғилганда;

Жамият тизимининг марказий аппарати ва (ёки) Жамият ва унинг тизимидаги ташкилотлар томонидан ўз вазифаларини бажариши хусусиятлари ва бошқалар ўзгарганда.

 <b>O'ZBEKINVEST</b> <small>SUGURTA KOMPAANIYASI</small>	<b>«Ўбекинвест» ЭИСК» АЖнинг  коррупцияга қарши курашиш сиёсати</b>	<b>RD-153</b>
		20 дан 21 бет 04.04.2022 й.
<b>GK 40</b>		

### ХУЖЖАТНИНГ ТАФТИШ МАЪЛУМОТЛАРИ

№ т/р	Киритилган сана	узайтириш/ қайта кўриб чиқиш/ бекор қилиш	Қайдлар эгасининг лавозими	Имзо	Ф.И.Ш

Киритилди:

**Коррупцияга қарши ички назорат  
ва хавфсизликни таъминлаш  
департаменти бош менежери**

  
**А. Ё. Абдуллаев**

Келишилди:

**Бош директор  
Биринчи ўринбосари**

  
**Р. Халиков**

**Юридик  
департамент бошлиғи**

  
**Р. Қаршибоев**

**СРвСБД  
Бош менежери**

  
**А. Р. Абдуллаев**